

ایویننگ گو جری نیو ز بلیٹن مو رخہ 05 اکتوبر 2025

یوہ آکا شوانی جموں ہے باغ علی طاہر تے عبد المجید تیں خبر سُنو۔ پہلاں خاص خاص خبر۔

★1۔ لیفٹنٹ گو رنر منوج سنہا غو کہنو ہے جے جموں کشمیر غی ترقی غو براہ راست تعلق نوجواناں غی صلاحیتاں سنگ جڑیو وہ ہے ۔
★2۔ جنگلات تے ماحولیات محکمہ غا وزیر جا وید احمد رانا نے راجو ری شاپیرا کنزرویشن ریزرو راجو ری مانہہ اک گوشت خور جانوراں غا انکلوزر غو افتتاح کیو ہے ۔
★3۔ اس مہینہ غی 27 تا ریخ تیں آئندہ نو مبر غی 2 تا ریخ توڑی جموں کشمیر یوٹی مانہہ ویجلنس بیداری بفتو مانیو جائے گو ۔

★4۔ محکمہ موسمیات غی طرفوں کل یعنی 6 اکتوبر تیں 7 اکتوبر توڑی خراب موسم غی پیشنگوئی غے پیش نظر جموں صوبہ مانہہ تمام اسکول بند رہیں گا ۔

★5۔ تے بھارت غی منفرد شناخت با رے اتھارٹی "یوآئی ڈی اے آئی" نے 5 تیں 17 سال غی عمر غا بچاں غا آدھار با رے بائیو میٹرک نانہہ تا۔ تا ریخ بنایا جان با رے فیس معاف کیا جان غو اعلان کیو ہے ۔

خبراں غی تفصیل نال پہلاں باغ علی طاہر۔

LG Youth

لیفٹنٹ گورنر منوج سنہا نے اچ کہیو ہے جے انسانی ذہن زندگی غو سب تیں بڑو کرشمو ہے۔ اُنہاں نے زور دیتاں واں کہیو ہے جے جموں کشمیر غی مستقبل غی ترقی براہ راست نوجواناں غی باختیار تے تخلیقی صلاحیتاں سنگ جڑی وی ہے۔ اک عوامی اجتماع سنگ خطاب کرتاں واں ایل جی موصوف نے کہیو ہے ہم نانہہ ایسو ماحول تیار کرن غی لوڑ ہے، جھیڑو نوجواناں غی ذہنی صلاحیتاں نانہہ جدت پیدہ کرن، مشکلات غو حل کڈھن تے آئندہ غا لیڈر تیار کرن مانہہ سازگار ثابت ہو سکے۔ انسانی ذہانت غی طاقت ور لوہ پاتاں واں لیفٹنٹ گورنر غو کہنو تھو جے وہ بچو جھیڑو بچپن غا شروع غا دور مانہہ جمع، باقی تے ضرب با رے حساب غا بنیا دی اصول سکھے بعد مانہہ وہی بچو تیز تر ہنر سکھن تے فیصلہ سازی غی صلاحیتاں غو مالک بن سکے۔ اس با رے گل کرتاں واں لیفٹنٹ گورنر نے کہیو۔۔ با ٹ۔۔۔

Rana Carnivore Enclosure

جموں کشمیر مانہہ جنگلاتی زندگی غی حفاظت نانہہ ہو رتگڑو بنایا جان غو مقصد سنگ جنگلات تے ماحولیات محکمہ غا وزیر جاوید احمد رانا نے شاپیرا کنزرویشن رزرو راجو ری مانہہ اک نواں تیار کیا گیا گوشت خور جانوراں غی حفاظت غا انکلوزر غو افتتاح کیو۔ یہ افتتاح 2 اکتوبر تیں 8 اکتوبر توڑی جموں کشمیر مانہہ جنگلاتی زندگی ہفتو سال 2025 منایا جان غے دوران کیو گیو ہے۔ جس غو مقصد لوکاں مانہہ بکھ بکھ ماحولیات و وسائل غا تحفظ تے خلاف ورزی کرن آلاں غے خلاف کاروائیاں با رے بیداری پیدہ کرنو ہے۔ اس انکلوزر کا افتتاح سنگ جموں کشمیر گے اندر محفوظ بنایا گیا ایسا علاقہ غی حفاظت نانہہ ہو رتگڑا بنایا جان غی کوششاں مانہہ بوہ اک نمایاں سنگ میل ثابت ہو سکے گو۔ تانجے کہٹ ہو تی جا رہیں جانوراں غی نسلان غی حفاظت غی خاطر سہولتاں نانہہ لما عرصہ توڑی بہتر بنایو جا سکے۔

Vigilance Week

جموں کشمیر سرکار نے اکتوبر 27 تا ریخ تیں آئندہ نومبر مہینہ 2 تا ریخ توڑی ویجینس بیداری ہفتہ منایا جان غو اعلان کیو ہے ۔ اس بیداری مہم غو ناں ویجینس مہاری سانجی ذمہ داری رکھیو گیو ہے ۔ آکاشوانی جموں غا نامہ نگار نے اس بارے جانکاری دیتاں واں دسیو ہے جے یوہ ہفتہ 27 اکتوبر نانہ سویر 11 بجے دیا تندی غا عہد سنگ شروع وے گو ۔ اس عہد مانہ بکھ بکھ محکماں پی ایس یوز، خود مختار اداراں تے دوجی تنظیمیاں غا ملازم شامل ویں گا ۔ یوہ عہد مرکزی ویجینس کمیشن غا رہنما سطو ر غے مطابق لیو جائے گو ۔ اس ویجینس بیداری ہفتہ غے دوران جھیڑی سرگرمیاں انجام دتی جائیں گی اُن مانہ بیداری کیمپاں، گرام سبھاں، ورک شاپز، حساسیت پروگراماں تے شکایتاں غا آزالہ بارے کیمپاں غا انعقاد شامل ہیں ۔ اس ویجینس بیداری ہفتہ غا منایا جان غو مقصد سرکاری محکماں مانہ شفافیت تے احتساب نانہ فروغ دین نالے بددیانتیاں ور روک لان بارے عام لوکاں مانہ بیداری پیدہ کرنو ہے ۔

Cough Syrup

دو بہراں تیں کھٹ عمر غا بچاں نانہ کھنگ تے زُکام غی دوائی تجویز کرن یاہ دین غے خلاف مرکزی وزارتِ صحت غا مشورہ غے بعد انچارج سی ایم او کشتواڑ یڈ ویر کوتوال نے تمام صحت کارکناں تے نطی طور ور اس شعبہ نال جُڑیا لوکاں نانہ سختی نال عمل کرن غی ہدایت دتی ہیں ۔ اُنہاں نے خبردار کیو ہے جے کسے وی خلاف ورزی نانہ طبی غفلت سمجھیو جائے گو تے خلاف ورزی کرن آلا غے خلاف سخت کاروائی کی جائے گی۔ آکاشوانی نیو زنال گل کرتاں واں اُنہاں نے کہیو۔۔۔
ہاٹ۔۔۔

Prog Announcement

ریجنل نیو زیونٹ آکاشوانی جموں کل یعنی 6 اکتوبر سویر 8 بج غے 45 منٹ ور اک ماہانہ مباحثاتی پروگرام نشر کرے گو ۔ 15 منٹاں ور مبنی اس پروگرام غو عنوان "خواتین غی باختیاری تے ذہنی صحت" رکھیو گیو ہے۔ اس ماہانہ پروگرام مانہ مہاری مہمان معروف ماہر نفسیات تے ذہنی صحت غا شعبہ غی ماہر ابھیندنی

پنڈت ویں گی، جھپڑی اِس عنوان ور اپنی ماہرانہ لوہ پاویں گی۔ اس پروگرام مانہہ میزبانی غا فرائض مہارا اینکر وجے بجاج انجام دیں گا ۔ یوہ پروگرام آکاشوانی نیوز جموں غی میڈیم ویو 303 میٹر یعنی 9 سو کلو ہرٹز تے ایف ایم 100.3 میگا ہرٹز ور سُنیو جا سکے گو ۔

مزید خبراں نال عبدالمجید۔ ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری مو بائل ایپ تے ڈی ٹی ایچ ور وی دستیاب ہیں)

School Closed

آئندہ تہاڑاں مانہہ پہاری بارش بون غی پیشنگوئی غے پیش نظر ڈائریکٹوریٹ آف اسکول ایجوکیشن جموں نے صوبہ جموں مانہہ تمام سرکاری تے نجی اسکول آئندہ 2 تہاڑاں بند رکھن غو حکم جاری کیو ہے ۔ ڈائریکٹر اسکول ایجوکیشن جموں ڈاکٹر نسیم جاوید چودھری غی طرفوں صوبہ جموں غا مچ سارا علاقاں مانہہ پہاری تیں مچ پہاری بارش بون غی پیشنگوئی جاری کرن غے پیش نظر طالب علماں تے عملہ غی سلامتی تے تحفظ نانہہ یقینی بنان واسطے یوہ فیصلو لیو گیو ہے ۔ تے صوبہ جموں مانہہ تمام سرکاری تے نجی اسکول 6 اکتوبر سومواریں تے 7 اکتوبر منگلواریں بند رہیں گا ۔ موسم غی صورتحال غے مطابق مزید تازہ جانکاری بارے آگاہ کیو جائے گو ۔

----- UIDAI

بھارت غی منفرد شناخت بارے اتھارٹی (یوآئی ڈی اے آئی) نے 7 تیں 15 سال تک غی عمر غا بچاں واسطے آدھار بائو میٹرک اپ ڈیٹس یعنی تاتا ریخ بنان غی کاطرلی جان آلی فیس معاف کردتی ہے ۔ اک بیان مانہہ الیکٹرانکس تے انفارمیشن ٹیکنالوجی غی وزارت نے کہیو ہے جے مذکورہ عمر غا بچاں واسطے لازمی بائیو میٹرک اپ ڈیٹ ایم بی یو چارجز غی رعایت پہلاں ہی 1 اکتوبر تیں نافذ العمل ہو

چکی ہے تے یاہ اک سال واسطے نافذ العمل رہ گئی۔ اس فیصلہ نال مُلک پھر مانہہ تقریباً 6 کروڑ بچاں نانہہ فائدو ہون غی اُمید ہے۔

GST Reforms

آئندہ نسل اشیائ تے خدمات با رے ٹیکس اصلاحات نے ہماچل پردیش غا کا ریگراں ، کساناں تے صنعتی شعباں نانہہ کافی راحت دتی ہے۔ جی ایس ٹی غی نظر ثانی شدہ شرحاں غے تحت ہتھ نال بنایا شالاں ، روایتی ہماچل توپیاں تے دوجی دستکاری اشیائ ور ٹیکس پہلاں 12 فیصد تیں کھٹ کر غے 5 فیصدی کر دتو گیو ہے۔ اس طرح چمڑا غی بنی چیل، لکڑی غی دستکاری ، مٹی غا پانڈھاں تے دھات نال بنیا سامان مانہہ پہلاں ہی 5 فیصدی جی ایس ٹی سلیب غے تحت رکھیو گیو ہے۔ شملہ تے قریبی ضلعاں مانہہ سیب غا کاشتکاراں نانہہ دُباں تے لفافاں مانہہ بند مواد ور کھٹ جی ایس ٹی لاگت مانہہ کمی تے فصل غی کٹائی غا موسم غے دوران ہزاراں کساناں واسطے فائدہ ہووے گو۔

Rain Samba

آج نکی لو شروع ہوئی تیز آندھی تے پہاری بارش غی وجہ نال ضلع سانبہ مانہہ کھلی فصلان نانہہ نقصان پُجیو ہے۔ بے وقت غی بارش تے تیز آندھی چکھڑنے فصلان نانہہ زمین نال بچھا دتو ہے جس غی وجہ نال ضلع سانبہ غا سرحدی علاقہ جن مانہہ رام گڑھ، سانبہ تے راجپورہ شامل ہیں مانہہ متا سارا کساناں غو مچ نقصان ہوئو ہے۔ اس بارے مزید جاناں غا ضلع سانبہ تیں آکاشوانی نامہ نگار ستپال شرما غی اس رپورٹ مانہہ۔۔ بائٹ۔۔

Skill Development

رام بن ضلع مانہہ ہنر ترقیات پروگراماں غو انعقاد تے نگرانی ہنر غی ترقیات محکمہ رام بن غی ڈائریکٹوریٹ کر رہی ہے۔ ایسا پروگراماں غو بنیا دی مقصد پی ایم کے وی وائی تے کرافٹس مین ٹریننگ اسکیم سی ٹی ایس جیسی قومی اسکیمان نانہہ نافذ کرنو تے پیشہ وارانہ تربیت فراہم کرن تے روزگار نانہہ فروغ دین

واسطے صنعتی تربیتی اِداراں آئی ٹی آئیز غو انتظام کرنو ہے۔ صنعتی تربیتی اِدارو رام بن صنعتی تے خدمات غا شعباں غی ضروریات نانہہ پورو کرن واسطے تکنیکی تجارت مانہہ مہارت ور مبنی تعلیم فراہم کرے۔ آکاشوانی نیوز نال گل کرتاں واں سُرپریٹینڈینٹ آئی ٹی آئی رام بن پر ویز اقبال نے کہیو۔۔ با ٹٹ۔۔

اس غے نال ہی خبراں غو یوہ بلیٹن ختم ہوؤ۔